

այդ պատճառաւ յետ տարագրութեան գրուած քնն-
րուն մէջ շատ քիչ կը յիշատակուի:

Հարավի Անրֆին կողմը. — Նուէրական շրջափակը
կը պարունակէ եկեղեցի մը, որ մզկիթի վերածուած
է, և բացօթեայ գաւիթ մը: Վեց աղօթարանները կը
բովանդակեն երեք նահապետներուն և անոնց կիներ-
րուն դամբանները: Ստորերկրեայ կը գտնուի Մաք-
պելայի այրը գերեզմաններով:

570 ին Անտոնինոս հոն գտաւ պազիլիքա մը քա-
ռակուսի սրահով և բացօթեայ ատեանով և մէջտեղը
վանդակապատով մը բաժնուած. մէկ կողմէն կը մըտ-
նէին քրիստոնեաները և միւսէն՝ հրեաները: Մզկիթին
ձախ թեւին մէկ անկիւնը տակաւին կը կարգացուի
յունարէն արձանագրութիւն մը, առ նուազն Յուս-
տինիանոսի ժամանակէն: Աբրահամի ուղղուած աղերս
մըն է ասիկա քանի մը անձերու կողմէ որ իրեն
համար շինած են այս պազիլիքան: Եկեղեցին վե-
րաշինուեցաւ ԺԲ. դարուն Սաչակիրներէն, 1167 ին
Մայր եկեղեցիի վերածուեցաւ և քսան տարի վերջ՝
մզկիթի:

Եկեղեցին կը գրաւէ շրջափակին հարաւային մա-
սը: Ան կազմուած է հաւասար լայնութեամբ երեք
նաւերէ, միասին 28 մ. 25 չափով, և բաժնուած է
անհաւասար երկայնութեամբ կէս բիւզանդական խո-
յակներով չորս սիւներու, 21.50 մ., հարաւէն հիւ-
սիս: Կեդրոնական նաւը, աւելի բարձր քան կողմ-
նակիները երկու կողմով կը լուսաւորուին չորս կարգ
սրակամար (à ogive) պատուհաններով: Ամբողջ շէն-
քը կամարակապ է և տանիքները կապարով ծածկը-
ւած: Նոյն իսկ եկեղեցիին մէջ կը գտնուին Իսահակի